



ს ა ქ ა რ თ ვ ე ლ ო
თერჯოლის მუნიციპალიტეტის საკრებულო
GEORGIA
MUNICIPALITY COUNCIL OF TERJOLA



განკარგულება:გ-29. 2924220001

თარიღი:07/08/2024

„თერჯოლის მუნიციპალიტეტის ტერიტორიაზე ტექნიკური წყლის მიწოდების საფასურის (ტარიფის) დადგენის, საყოფაცხოვრებო და არასაყოფაცხოვრებო მომხმარებლების წყალმომარაგების (ტექნიკური წყალით მომარაგების) რეგულირების წესის, ტექნიკური წყლის მიწოდების ხელშეკრულების ტიპიური ფორმის, ტექნიკური წყალის მომარაგების ქსელზე ახალი მომხმარებლის მიერთების საფასურის, მშენებლობის ტექნიკური ზედამხედველობის, აღრიცხვის კვანძის მოწყობისა და შეჭრის საფასურის და აღრიცხვის კვანძის დალუქვისა და მოხსნის აქტის დამტკიცების შესახებ“ თერჯოლის მუნიციპალიტეტის საკრებულოს 2022 წლის 7 სექტემბრის №გ-29.29222505 განკარგულებაში ცვლილების შეტანის შესახებ

საქართველოს კანონის „საქართველოს ზოგადი ადმინისტრაციული კოდექსის“ 63-ე მუხლის საფუძველზე თერჯოლის მუნიციპალიტეტის საკრებულომ **გადაწყვიტა:**

მუხლი 1. შეტანილ იქნას ცვლილება „თერჯოლის მუნიციპალიტეტის ტერიტორიაზე ტექნიკური წყლის მიწოდების საფასურის (ტარიფის) დადგენის, საყოფაცხოვრებო და არასაყოფაცხოვრებო მომხმარებლების წყალმომარაგების (ტექნიკური წყალით მომარაგების) რეგულირების წესის, ტექნიკური წყლის მიწოდების ხელშეკრულების ტიპიური ფორმის, ტექნიკური წყალის მომარაგების ქსელზე ახალი მომხმარებლის მიერთების საფასურის, მშენებლობის ტექნიკური ზედამხედველობის, აღრიცხვის კვანძის მოწყობისა და შეჭრის საფასურის და აღრიცხვის კვანძის დალუქვისა და მოხსნის აქტის დამტკიცების შესახებ“ თერჯოლის მუნიციპალიტეტის საკრებულოს 2022 წლის 7 სექტემბრის №გ-29.29222505 განკარგულებაში და:

ა) განკარგულების მე-3 მუხლის 1-ლი პუნქტის „ა“ ქვეპუნქტით დამტკიცებული „თერჯოლის მუნიციპალიტეტის ტერიტორიაზე საყოფაცხოვრებო და არასაყოფაცხოვრებო მომხმარებლების წყალმომარაგების რეგულირების წესი“-ს მე-5 მუხლის მე-14 პუნქტი შეიცვალოს და ჩამოყალიბდეს ახალი რედაქციით:

„14. ამ წესით გათვალისწინებული, მოხმარებული წყლის საფასურის გადახდისგან, შესაძლებელია განთავისუფლდეს ან შეუმცირდეთ გადასახადი, შემდეგი საყოფაცხოვრებო მომხმარებლებს, მხოლოდ შესაბამისი დამადასტურებელი დოკუმენტების წარმოდგენის შემთხვევაში, ამ მუხლით დადგენილი მაქსიმალური ლიმიტის ზღვრების ფარგლებში:

ა) ომის ვეტერანები და მათთან გათანაბრებული პირები, **20 კბ/მ** ოდენობით;

ბ) I და II ჯგუფის ინვალიდები, შესაბამის დამადასტურებელი ფურცელის ან ცნობის საფუძველზე, **20 კბ/მ** ოდენობით;

გ) სოციალურად დაუცველი ოჯახის წევრები (რომლებიც რეგისტრირებული არიან სოციალურად დაუცველ ოჯახების მონაცემთა ბაზაში და მინიჭებული აქვთ 70000-მდე სარეიტინგო ქულა), შესაბამისი უფლებამოსილი ორგანოს (სოციალური სააგენტო) გაცემული ცნობის საფუძველზე, **20 კბ/მ** ოდენობით;

დ) მრავალშვილიანი ოჯახები (ოთხი და მეტი არასრულწლოვანი შვილი), **20 კბ/მ** ოდენობით;

ე) მარტოხელა მშობლის (მარტოხელა დედა ან მარტოხელა მამა) სტატუსის მქონე პირი, **20 კბ/მ** ოდენობით ;

ვ) საქართველოს ოკუპირებული ტერიტორიებიდან იძულებით გადაადგილებული საქართველოს მოქალაქეები და ოჯახები, **20 კბ/მ** ოდენობით;

ზ) საქართველოს ტერიტორიული მთლიანობისთვის, გამართულ საომარ მოქმედებებში და ბრძოლებში დაღუპული მეომართა ოჯახის წევრები და ოჯახები, **20 კბ/მ** ოდენობით ;

თ) ღვაწლმოსილი პედაგოგები, რომელთა პედაგოგიური საქმიანობა აღემატება **20 წელს, 20 კბ/მ** ოდენობით;

ი) სააღმშრდელო და საგანმანათლებლო დაწესებულებები, საოჯახო სასტუმროს მფლობელი მომხმარებლები მოხმარებული წყლის საფასურის **50% -იანი შეღავათი**, შესაბამის მარეგისტრირებული ორგანოს (შემოსავლების სამსახურის ან საჯარო რეესტრის) ცნობის (ამონაწერის) საფუძველზე;

კ) აგრეთვე სხვა ნებისმიერი სხვა პირი, საქართველოს კანონმდებლობით და საქართველოს მთავრობის გადაწყვეტილებით პირდაპირ განსაზღვრულ შემთხვევებში სრულად ან ნაწილობრივ;

ლ) ამ მუხლით გათვალისწინებული ლიმიტირებული ზღვრებს ზემოთ გახარჯული წყლის მოცულობის და საფასურის გაანაგარიშება-დარიცხვას, ახდენს ა(ა)იპ

„თერჯოლის დასუფთავებისა და კეთილმოწყობის მუნიციპალური სამსახური“ სტანდარტული/ არსებული წესით; აღნიშნული ლიმიტირებული შეღავათები მოქმედებს ყოველთვიურად, უფლებამოსილი პირის (მრიცხველის ჩვენების წამკითხველი) მიერ, მრიცხველის მონაცემების (მოხმარებული წყლის ოდენობის) პირველი წაკითხვიდან, შემდეგ/მომდევნო წაკითხვამდე, **1 თვიანი საანგარიშო/სააღრიცხვო პერიოდში**, რაც გამორიცხავს დაწესებული და გაუხარჯავი საშეღავათო ლიმიტის მომდევნო თვეში გადატანას; სამსახურის უფლებამოსილი პირთა მიერ სამსახური ასევე უზრუნველყოფს შეღავათით მოსარგებლე პირთა აღრიცხვას, ამ მუხლით გათვალისწინებული შესაბამის დოკუმენტების (ცნობების) შეგროვება/ მიღებას შესაბამის გადაწყვეტილებების მიღებას.

ბ) განკარგულების მე-3 მუხლის 1-ლი პუნქტის „ბ)“ ქვეპუნქტით დამტკიცებული დანართი №2 „წყლის მიწოდების ხელშეკრულების ტიპური ფორმა, როგორც არასაყოფაცხოვრებო და საყოფაცხოვრებო მომხმარებლებისთვის“ შეიცვალოს და დამტკიცდეს ახალი რედაქციით, ამ განკარგულების №1 დანართის მიხედვით.

მუხლი 2. განკარგულება გაეგზავნოს შესასრულებლად და სახელმძღვანელოდ ა(ა)იპ „თერჯოლის დასუფთავებისა და კეთილმოწყობის მუნიციპალური სამსახურს“, რომელიც უზრუნველყოფს თერჯოლის მუნიციპალიტეტის წყალმომარაგების ქსელის ექსპლოატაციას, თერჯოლის მუნიციპალიტეტის სოფლის მოსახლეობისათვის წყლის მიწოდებას, მოხმარებული წყლის ოდენობის აღრიცხვას და მოხმარებული წყლის საფასურის ადმინისტრირებას.

მუხლი 3. განკარგულება, შეიძლება გასაჩივრდეს, დაინტერესებული მხარის მიერ, ზესატაფონის რაიონულ სასამართლოში (მისამართი: ქ. ზესტაფონი, წერეთლის ქ.№7), მისი გაცნობიდან **1 თვის** ვადაში.

მუხლი 4. განკარგულება ძალაშია ხელმოწერისთანავე.

გიორგი ბარათაშვილი

თერჯოლის მუნიციპალიტეტის საკრებულო-
საკრებულოს თავმჯდომარე

გამოყენებულია კვალიფიციური
ელექტრონული ხელმოწერა/
ელექტრონული შტამპი



ტექნიკური წყლის მიწოდების ხელშეკრულება #-----

მუხლი 1. მხარეთა რეკვიზიტები და მონაცემები

1.	ტექნიკური წყლის მიწოდების საიდენტიფიკაციო მონაცემები: მიმწოდებლის დასახელება ს/კ საბანკო რეკვიზიტები: (ირიცხება ტექნ. წყლის მიწოდების საფასური) ტელეფონის ნომერი ელ.ფოსტა მიმწოდებლის წარმომადგენელი	ა(ა)იპ თერჯოლის დასუფთავებისა და კეთილმოწყობის მუნიციპალური სამსახური 431945274
2.	ტექნიკური წყლის მყიდველის (მომხმარებლის) საიდენტიფიკაციო მონაცემები: სახელი გვარი/დასახელება პირადი N ან ს/კ აბონენტის N იურიდიული მისამართი ფაქტობრივი მისამართი მიწოდების მისამართი უძრავი ქონების (მიწოდების მისამართი) ფლობის საფუძველი ტელეფონის ნომერი ელ.ფოსტა აღრიცხვის კვანძის საიდ. ნომერი მომხმარებლის კატეგორია:	(თანამდებობა, სახელი გვარი) ☐ საკუთრება ☐ დროებითი სარგებლობა ☐ გამრიცხველიანებული საყოფაცხოვრებო ☐ გამრიცხველიანებული არასაყოფაცხოვრებო ☐ გაუმრიცხველიანებული საყოფაცხოვრებო
3.	ტექნიკური წყლის ტარიფი გამრიცხველიანებული საყოფაცხოვრებო მომხმარებლებისათვის (1 კუბ/მ.- ლარებში) გამრიცხველიანებული არასაყოფაცხოვრებო მომხმარებლებისათვის (1 კუბ/მ.- ლარებში) გაუმრიცხველიანებული საყოფაცხოვრებო მომხმარებლებისათვის (სულადობით თვეში ლარებში)	1 კუბ.მ - 0.40 ლარი 1 კუბ.მ - 1.50 ლარი 1 სულზე - 1.50 ლარი
4.	მომსახურების საფასურის გადახდაზე პასუხისმგებელი პირი (თუ ის არ არის მომხმარებელი) სახელი გვარი/დასახელება: პირადი N/ს/კ მისამართი ტელეფონის ნომერი ელ.ფოსტა	
5.	ტექნიკური წყლის მიწოდების დაწყების თარიღი:	
6.	ტექნიკური წყლის მიწოდების სისტემის მფლობელი	ა(ა)იპ თერჯოლის დასუფთავებისა და კეთილმოწყობის მუნიციპალური სამსახური
7.	ხელშეკრულების მოქმედების ვადა:	
8.	მხარეთა შორის ინფორმაციის გაცვლა ხორციელდება: მატერიალური ფორმით, მისამართზე:	ელექტრონული ფორმით, შემდეგ მისამართზე: SMS ნომერზე:
9.	მიწოდების ხელშეკრულება მოქმედებს: მომხმარებლის მიერ ხელშეკრულების გაფორმების და (მიმწოდებელთან რეგისტრაციის დღიდან)	_____ მდე
10.	დანართები: ☐ პირადობის მოწმობის ასლი ☐ საკუთრების უფლების დამადასტურებელი დოკუმენტი ☐ თრომბოზის საწინააღმდეგო საშუალების აღწერა	

ტექნიკური წყლის მიწოდების ხელშეკრულება #-----

მუხლი 2. ტექნიკური წყლის (წყალმომარაგების) მიწოდების ხელშეკრულების სტანდარტული პირობები

2. მხარეთა ვალდებულებები:

1. ხელშეკრულების მხარეები კისრულობენ ვალდებულებას ურთიერთობა აწარმოონ საქართველოში მოქმედი კანონმდებლობითა და თერჯოლის მუნიციპალიტეტის საკრებულოს შემუშავებული „თერჯოლის მუნიციპალიტეტის საყოფაცხოვრებო და არასაყოფაცხოვრებო მომხმარებლების წყალმომარაგების (ტექნიკური წყალით მომარაგების) რეგულირების წესის შესაბამისად.
2. ტექნიკური წყლის მყიდველი (მომხმარებელი) ვალდებულია მოხმარებულ ტექნიკურ წყალზე ანგარიშსწორება აწარმოოს თერჯოლის მუნიციპალიტეტის საკრებულოს დადგენილი ტარიფით.
3. ტექნიკური წყლის მყიდველი (მომხმარებელი) ვალდებულია მოიხმაროს ტექნიკური წყალი მხოლოდ (საყოფაცხოვრებო ან არასაყოფაცხოვრებო) მიზნებისათვის.
4. ტექნიკური წყლის მყიდველი (მომხმარებელი) ვალდებულია უზრუნველყოს აღრიცხვის კვანძის და მისი მოწყობილობების (მრიცხველი, მრიცხველის ბრჯენები, ურდული, ლუქები) მოვლა-პატრონობა, გამოიჩინოს მაქსიმალური სიფრთხილე აღრიცხვის კვანძის და მისი მოწყობილობების ექსპლუატაციისას.
5. მყიდველი (მომხმარებელი) ვალდებულია (გარდა, თერჯოლის მუნიციპალიტეტის საკრებულოს 2022 წლის 7 სექტემბრის №გ-29.29222505 განკარგულებით დამტკიცებული „თერჯოლის მუნიციპალიტეტის ტერიტორიაზე საყოფაცხოვრებო და არასაყოფაცხოვრებო მომხმარებლების წყალმომარაგების რეგულირების წესი“-ს 26-ე მუხლით დადგენილი ფორსმაჟორული გარემოებებისა, რომლებიც შეიძლება იყოს, სტიქია, ხანძარი, საწარმოო ავარია) აანაზღაუროს, მის მიერ აღრიცხვის კვანძის და მისი მოწყობილობების განზრახ დაზიანების შედეგად მიმწოდებლისათვის მიყენებული მატერიალური ზიანი, რომელიც შეიძლება იყოს მრიცხველის და მისი მოწყობილობების დაზიანება, პლომბების თვითნებურად მოხსნა და წყლის უკანონოდ მრიცხველის აღრიცხვის გარეშე მოხმარება; ასეთი ფაქტის გამოვლენის შემთხვევაში, მიმწოდებლის უფლებამოსილი პირი ადგენს აქტს, უწყვეტს წყალმომარაგებას მომხმარებელს, ლუქავს მრიცხველს და მომხმარებელს დაარიცხავს აღრიცხვის კვანძის დაზიანების, მრიცხველის შეჭრა/აღდგენის ღირებულებას და უკანონოდ მოხმარებული წყლის საფასურს.
5. ტექნიკური წყლის მიმწოდებელი ვალდებულია წყალმომარაგების სისტემის მეშვეობით უზრუნველყოს ტექნიკური წყლის უსაფრთხო, უწყვეტი, საიმედო და ხარისხიანი მიწოდება.
6. ტექნიკური წყლის მყიდველი (მომხმარებელი) ვალდებულია დროულად გადაიხადოს მოხმარებული ტექნიკური წყლის საფასური.
7. ტექნიკური წყლის მიმწოდებელი ვალდებულია ტექნიკური წყლის მყიდველს (მომხმარებელს) საფასურის გადახდა მოსთხოვოს ყოველთვიური ანგარიშსწორების ქვითარში გადასახდელი თანხის სრულად ასახვისა და გადახდის ვადის განსაზღვრის შემდეგ.

მუხლი 3. ტექნიკური წყლით უკანონო სარგებლობა

1. ტექნიკური წყლის უკანონო მოხმარებად მიჩნეული იქნება ტექნიკური წყლით მომარაგების სისტემაზე მოწყობილობებისა თუ მილსადენის თვითნებურად მიერთება, შეწყვეტილი ტექნიკური წყლის მიწოდების თვითნებური აღდგენა, ტექნიკური წყლის მრიცხველის ბრჯენების განზრახ დაზიანება (აღრიცხვის სიზუსტის დარღვევის შემთხვევაში), ტექნიკური წყლის მრიცხველის ციფრული მაჩვენებლის გაყალბება, ტექნიკური წყლის დატაცება, მათ შორის, ტექნიკური წყლის მრიცხველის (აღრიცხვის სისტემის) გვერდის ავლით ან/და მის გარეშე ტექნიკური წყლის არასანქცირებული მოხმარება; ასევე, ნებისმიერი სახის ჩარევა დ აგარემოება რაც დაადასტურებს ტექნიკური წყლის უკანონოდ მოპოვების ფაქტს.
2. ტექნიკური წყლის უკანონო მოხმარების გამოვლენის შემთხვევაში მიმწოდებელი, ვალდებულია მომხმარებლის წინასწარი გაფრთხილების გარეშე შეუწყვიტოს ტექნიკური წყლით მომარაგება შესაბამის მომხმარებელს (გარდა იმ შემთხვევებისა, როდესაც ცნობილია, რომ ამ მომხმარებლისთვის ტექნიკური წყლით მომარაგების შეწყვეტა გამოიწვევს ადამიანის სიცოცხლის ან ჯანმრთელობის გაუარესებას ან ამ მომხმარებლის არათანაზომიერად დიდ ხარჯებს, დასარიცხ ან დარიცხულ თანხასთან მიმართებაში).
3. მიმწოდებელი ტექნიკური წყლის უკანონო მოხმარების ფაქტის გამოვლენისთანავე ვალდებულია შეადგინოს შესაბამისი აქტი.
4. მიმწოდებლის მიერ ტექნიკური წყლით უკანონო სარგებლობის ფაქტის დადასტურების შემთხვევაში, (უკანონო) მომხმარებელი ვალდებულია, გადაიხადოს ტექნიკური წყლის უკანონოდ მოხმარების პერიოდში მის მიერ მოხმარებული ტექნიკური წყლის ღირებულება, რომლის გაანგარიშებაც უზრუნველყოფს მიმწოდებელი, აგრეთვე მასვე დაეკისრება შეწყვეტილი მომსახურების აღდგენისა და ქსელის დაზიანების აღდგენის ღირებულება დადგენილი ოდენობით და წესით.

მუხლი 4. ტექნიკური წყლის მიწოდების მომსახურების გაწევისას საყოფაცხოვრებო მომხმარებლებზე დაწესებული შეღავათები

1. ამ ხელშეკრულებაზე მიერთებამდე (ხელმოწერამდე), თერჯოლის მუნიციპალიტეტის საკრებულოს მიერ დაწესებული წყალმომარაგების (ტექნიკური წყლის) ქსელით მოსარგებლე საყოფაცხოვრებო მომხმარებლები განთავისუფლდნენ მოხმარებული ტექნიკური წყლის საფასურის გადახდის ვალდებულებებისაგან თერჯოლის მუნიციპალიტეტის საკრებულოს დადგენილების შესაბამისად.
2. ტექნიკური წყლის მიწოდების ხელშეკრულების ხელმოწერის დღიდან, მოხმარებულ ტექნიკურ წყლით (საყოფაცხოვრებო მომხმარებლებზე - კატეგორიების მიხედვით) სარგებლობის შეღავათის ან მოხმარებული ტექნიკური წყლის ღირებულების ანაზღაურების ვალდებულებისგან განთავისუფლების საკითხს ადგენს თერჯოლის მუნიციპალიტეტის საკრებულო.

მხარეების ხელმოწერა:

ტექნიკური წყლის მყიდველის (მომხმარებლის) ხელმოწერა: _____

ტექნიკური წყლის მიმწოდებლის წარმომადგენლის ხელმოწერა: _____ „ _____ “ _____ 202_წ.

შენიშვნა: ტექნიკური წყლის მიმწოდებლის მიერ, შეიძლება განისაზღვროს ტექნიკური წყლის საპროგნოზო მიწოდებისა და წყალმომარაგების წლიური, თვიური, დღიური და საყოფაცხოვრებო გრაფიკი, მოახდინოს წყლის მიწოდების შეწყვეტა წყალმომარაგების ქსელის და მასთან დაკავშირებული მოწყობილობების აღდგენა რეაბილიტაციის მიზნით, აგრეთვე ფორსმაჟორული გარემოებების დადგომისას.

თერჯოლის მუნიციპალიტეტის საკრებულოს
თავმჯდომარე გიორგი ბარათაშვილი

